



CERTIFICACIÓN

D.^a María Cristina Varela García, secretaria do Concello de Vimianzo (A Coruña),

CERTIFICO:

Que a XUNTA DE GOBERNO LOCAL, na sesión ordinaria do quince de xaneiro de dous mil dezaoto, adoptou, entre outros, o seguinte acordo:

"6º.- Concesión de subvencións.

6.2. Aprobación das bases dos premios de entroido de Baiñas, Vimianzo 2018.

Dase conta da proposta da Alcaldía, de data 12 de xaneiro de 2018, que se transcribe literalmente:

"PROPOSTA DE ACORDO

Premios do entroido de Baiñas, Vimianzo 2018

Visto o expediente tramitado a proposta da Concellería de Cultura para a aprobación da convocatoria premios do Entroido de Baiñas 2018.

Visto o informe de intervención de data 12/01/2018.

Visto que consta no expediente documento de retención de crédito, de data 12/01/2018.

De acordo co artigo 11 da Ordenanza Xeral de Subvencións e considerando a atribución concedida ao alcalde polo artigo 21.1 da Lei 7/85, de 2 de abril, Reguladora das Bases de Réxime Local (LBRL).

Visto canto antecede, esta Alcaldía realiza a seguinte **PROPOSTA:**

PRIMEIRO: Aprobar as Bases reguladoras dos Premios do Entroido de Baiñas 2018 que se concretan como segue:

"PRIMEIRA:

O concurso de disfraces **Entroido Baiñas 2018** celebrarase o sábado día 17 de febreiro.

SEGUNDA:

O prazo de inscrición de participantes será desde o momento de publicación destas bases no BOP ata o 17 de febreiro ás 21.30 horas. A inscrición realizarase por teléfono no número 667654088

TERCEIRA:

As comparsas e grupos deberán estar na Praza do Outeiro ás 20.00h para proceder ao pasarrúas pola vila que finalizará no pavillón, lugar onde terá lugar o concurso de disfraces diante do xurado. É obrigatorio a participación no desfile para poder participar no concurso.

CUARTA:

Establécense as seguintes categorías no concurso:

- **COMPARSAS:** agrupación formada por un mínimo de vinte (20) compoñentes, que garden unha unidade temática, e que desfilen ou realicen algunha actuación, ben sexan coplas, bailes ou representacións.



- **GRUPOS:** agrupación formada por un mínimo de tres (3) e un máximo de dezanove (19) compoñentes, que garden unha unidade temática, e que defilen ou realicen algunha actuación, ben sexan coplas, bailes ou representacións.
- **PARELLAS:** agrupación formada por dous (2) compoñentes, que garden unha unidade temática, debendo cando menos un deles ser maior de 12 anos.
- **INDIVIDUAL ADULTOS:** participantes a partir de 13 anos.
- **INDIVIDUAL INFANTIL:** participantes de 0 a 12 anos.

Nota: unha mesma persoa non poderá presentarse en dúas categorías

QUINTA:

A orde no pasarrúas e nas actuacións rexerese segundo o rexistro de inscrición.

SEXTA:

Os/as participantes que necesiten música deberán entregarlle á organización antes do inicio do pasarrúas

SÉTIMA:

A duración da actuación durante o concurso terá unha duración máxima de 10 minutos, sobrepasar este tempo poderá significar a exclusión do concurso.

OITAVA:

As comparsas e grupos non poderán acceder ao pavillón con vehículos nin plataformas.

NOVENA:

O xurado estará formado por representantes dos medios de comunicación da Costa da Morte. O xurado elaborará unha acta na que consten os premiados no concurso, asinada por todos os membros. A técnica de cultura elaborará un informe partindo desta acta para proceder ao pagamento dos premios.

DÉCIMA:

O xurado deberá escoller os seguintes premios:

1. 1º, 2º e 3º premio de comparsas
2. 1º, 2º e 3º premio de grupos
3. 1º, 2º e 3º premio de parellas
4. 1º e 2º premio de adultos
5. 1º, 2º e 3º premio infantil
6. Premio á mellor comparsa de Bañas

UNDÉCIMA:

Para a selección dos premiados o xurado terá en conta o pasarrúas, a representación ou actuación realizada durante o concurso, a orixinalidade e a dificultade na confección dos disfraces.

DUODÉCIMA:

As contías dos premios do concurso serán:

COMPARSAS

1º premio: 300€
2º premio: 250€
3º premio: 200€

GRUPOS

1º premio: 175€
2º premio: 150€
3º premio: 100€

PARELLAS

1º premio: 100€
2º premio: 75€
3º premio: 50€



PREMIO Á MELLOR COMPARSA OU GRUPO DE BAÍÑAS: 100€

INDIVIDUAIS ADULTOS

1º premio: 100€

2º premio: 50€

INDIVIDUAIS INFANTÍS

1º premio: 50€

2º premio: 30€

3º premio: 20€

Nota: O premio á mellor comparsa ou grupo de Baíñas non é acumulativo, polo tanto se as comparsas ou grupos locais xa foron premiados polo xurado na categoría correspondente, non se lle poderá outorgar este premio.

DÉCIMO TERCEIRA:

As comparsas participantes, que non resulten premiadas polo xurado, outorgaráselle 100€ pola participación no concurso, debendo solicitalo por escrito no momento da inscrición. Establécese un máximo de 4 comparsas con dereito a recibir este importe, respectando para outorgalo a orde de inscrición.

DÉCIMO CUARTA:

A participación no concurso supón a aceptación destas bases, sobre as que, diante de calquera dúbida, prevalecerá a resolución que adopte o xurado, por maioría simple dos seus membros. O incumprimento das bases suporá a descalificación no concurso. En contra das decisións do xurado non caberá ningún tipo de recurso.

As presentes bases e os premios concedidos aos beneficiarios, serán publicados na plataforma da Base de Datos Nacional de Subvencións (<http://www.pap.minhap.gob.es/bdnstrans/index>)."

SEGUNDO: Remitir a Base de Datos Nacional de Subvencións a información requirida para a remisión por ela ao BOP do extracto da convocatoria e publicación na mesma Base de Datos, de acordo co artigo 18 e 20 da Lei 38/2003, Xeral de Subvencións.

TERCEIRO: Comunicar o presente acordo aos departamentos municipais afectados para o seu coñecemento e efectos oportunos.

Vimianzo, 12 de xaneiro de 2018

O alcalde

Manuel Antelo Pazos"

A Xunta de Goberno Local, por unanimidade dos seus membros presentes, aproba a citada proposta, elevándoa a acordo nos seus propios termos."

E para que conste, expídese esta certificación de orde do alcalde, coa salvedade que establece o art. 206 do ROF, en Vimianzo.

Visto e prace

O alcalde

